



ARUBAANSE COURANT

DIARIO ARUBANO

REDACCION Y SUBSCRIPCION TEL: 2116
MANAGEMENT Y ANUNCIO TEL: 1116
MANAGER: E. WOUTERS

DIALUNA-7 DI JANUARI 1966

EDITA PA: ARUBAANSE DRUKKERIJ, UITGEVERS
& PUBLICITEITS MIJ N.V.
IMPRIMI PA: DRUKKERIJ "DE STAD"

PRINS MOP Y PANCHO BASORA A TUMA MANDO NA ARUBA



Ayera mainta na cas di Gezaghebber O.S. Henriquez, Prins Mop y Pancho Basora a tuma mando over for di Gezaghebber

(na robez). Asina Carnaval 1966 a tuma poder di Aruba full swing. Aki Prins Mop ta haciendo su proclamacion.



ARUBAANSE COURANT

DIARIO ARUBANO

REDACCION Y SUBSCRIPCION TEL: 2116
MANAGEMENT Y ANUNCIO TEL: 1116
MANAGER: E. WOUTERS

DIAMARS 1 DI FEBRUARI 1966

EDITA PA: ARUBAANSE DRUKKERIJ, UITGEVERS
& PUBLICITEITS MIJ N.V.
IMPRIMI PA: DRUKKERIJ "DE STAD"

PUEBLO A PROTESTA DECISION DI JURADO

Prins Mop y Pancho Basora lo dirigi carnaval e anja aki

ORANJESTAD - Durante un fiesta bailable masha anima den Douane Club na Dakota, diadomingo atardi tres'or pa nueb'or di anochi, e eleccion di Prins y Pancho di Carnaval a tuma lugar. E fiesta tabata transcurri masha alegre, te ora cu e decision di jurado a cambia e ambiente un poco y ya cu mayoria di e publico, cu no tabata di acuerdo cu e decision, no a laga di muestra nan malcontento cu e conocido gritonan. E publico no a gusta e sistema cu e jurado y e comite a trata e asunto di contamento di punto y tabata di opinion cu ta e candidatonan di Douane Club a merece e titulo.

Solamente tres candidato a presenta pa competi pa e titulo di Prins Carnaval 1966. Esakinan tabata Prins Mamundenge (Hildo Jacobs) y Pancho Wantomba (Nelo Loefstok) di Douane Club, Prins Mop (Cito Ridderstap) y Pancho Basora (Anthony Paesch) di Strand Hotel y Prins Basora (Simon Angela) y Pancho Mop (Milo Luidens) di Club Estrella.

E hecho cu tanto den e eleccion pa prins juvenil como den e eleccion pa prins grandi tabatin tres club cu a usa e combinacion "Mop-Basora" panan Prins y Pancho, ta demostra cu mopmento y pasamento di basora ta masha popular na Aruba actualmente.

Contrario na e eleccion di Prins Juvenil den Eagle Club na unda henter e organizacion a bai mas rapido y na satisfaccion di tur presente, e eleccion di e prins di Carnaval diadomingo anochi den Club Douane no a transcurri

mes rapido y na satisfaccion di un y tur. Tabata dificil pa a sigi tur loke e candidatonan tabata expresa y e publico cu a pega dilanti e candidatonan a tapa completamente e bista di esnan

cu tabata sinta na mesa un poco mas aleu. Un podium y percura pa e publico a keda na un distancia, lo a yuda hopi den e caso aki.

Despues cu pa shet'or y mei tur e candidatonan a termina nan presentacion dilanti publico, e decision di jurado a alcanza e publico un mei hora mas laat. Prome cu e decision di e jurado a worde anuncia dilanti microfono, sin embargo, e partidarianan di Prins Mamundenge y Pancho Wantomba tabata bula den haltu, como cu den prome instancia e puntacion di e jurado a favorece e candidatonan di Douane Club, kendenan tabatin mayoria di e publico riba nan man. Un

ratu despues awa a bruha, ora cu un fout a ser descubri den e contamento di puntonan. Un contamento di nobo a tuma lugar y e biaha aki a resulta cu e candidatonan di Strand Hotel tabatin dos punto mas cu e dosnan di Douane Club. E presidente di e comite, sr. Milo Croes, a muestra e interesadonan cu e jurado a haci un error den contamento di algun cifra bau di otro. En vez di a conta 32, e jurado a conta 30.

E partidarianan di Prins Mamundenge y Pancho Wantomba, no a gusta e sistema di contamento di voto y a protesta fuertemente. Insinuacionnan tabata cai di tur banda na direccion



E Prins di Carnaval di e anja aki y su Pancho lo ta Prins Mop y Pancho Basora, candidatonan di Strand Hotel. Diadomingo anochi e decision di jurado a cai na nan favor durante un fiesta bailable bon concurren na Club Douane, na Dakota. E decision di e jurado no a ser acepta pa mayoria di e presentenan, cu a desea di mira "Mamundenge" y "Wantomba", candidato di Douane Club, eligi como e Prins y Pancho di e anja aki.

di e jurado y e Comite Central di Carnaval.

Apenas e presidente di e comite central a hanja chens pa anuncia e resultado oficial dilanti microfono, ya cu e publico a aglomera asina pega cu e microfono cu tabatin momentonan cu e gritonan di e publico tabata surpasa e palabranan di e presidente.

Sr. Croes entre otro a expresa cu e jurado a hanja su mes den un camisa di once barras y a haci un apelacion na e publico pa acepta e decision di e jurado, recordando nan cu prome cu e eleccion e maestro di ceremonia a muestra riba e hecho cu e decision di e jurado ta "sagrado".

Pa largo rato despues cu e decision di jurado a keda conoci e caranan di e mayoria di e publico a j-blico a keda zuur, pero gracias na e "monstruo", un tumba hot-hot di "Estrella Musical", e ambiente di carnaval a bolbe reina den Douane Club.

Despues di e baile den Douane Club, e gerente di Strand Hotel a invita e miembronan di jurado y e candidatonan cu a competi, pa un brindis riba e eleccion di Prins Mop y Pancho Basora.

FATUM

Pa tur bo asegurado
Tel. 1848